

四庫全書薈要

• 乾隆御覽本

史部

欽定四庫全書薈要

史部

資治通鑑卷八十四

五

詳校官編修臣汪鏞



資治通鑑卷八十四

宋司馬光撰

胡三省音註

晉紀六

起重光作盡盡玄
默閼茂凡二年

孝惠皇帝中之上

永寧元年

此猶是永康二年正月乙丑趙王倫
改元建始四月帝反正始改元永寧

春正月

以散騎常侍安定張軌爲涼州刺史

散悉置翻
騎奇寄翻

軌以時

方多難陰有保據河西之志故求爲涼州時州境盜賊

縱橫

難乃旦翻
縱子容翻

鮮卑爲寇軌至以宋配汜瑗爲謀主

正楊

衡曰汜音凡姓
也瑗于菴翻

悉討破之威著西土

張氏保據涼土始
此嗚呼世亂則人

思自全然求全而不能自全者亦多矣實融張軌之求
出河西此求全而得全者也謝晦袁顗之求鎮荆襄此
求全而不能自全者也蓋實融張軌始終一心以奉漢
晉此固宜永終福祿詔及子孫者也謝晦袁顗志在據
地險以全身其用心非矣天所不與也然劉焉求牧益
州袁紹志圖冀部石敬瑭心欲河東皆以之潛規非望
至其成敗久遠則
有非智慮所及者

相國倫與孫秀使牙門趙奉詐傳

宣帝神語云倫宜早入西宮

司馬懿追謚宣皇帝時倫
以東宮爲相國府謂禁中

爲西
宮

散騎常侍義陽王威望之孫也素諂事倫倫以威

兼侍中使威逼奪帝璽綬作禪詔又使尚書令滿奮持

節奉璽綬

璽斯氏翻綬音受

禪位於倫左衛將軍王興前軍將

軍司馬雅等帥甲士入殿

帥讀曰率

曉諭三部司馬示以威

賞無敢違者張林等屯守諸門

屯守宮城諸門也

乙丑倫備灋

駕入宮即帝位

考異曰三十國春秋云倫將篡位義陽王威執詔示嵇紹曰聖上法堯舜之

舉卿其然乎紹厲聲曰有死而已終不有二威怒拔劍而出及惠帝還于金墉城唯紹固志不從直于金墉絕不通倫時人皆爲之懼晉書忠義傳云倫篡位紹爲侍中惠帝復祚遂居其職二說不同今皆不取按復祚之

祚當作祚

赦天下改元建始帝自華林西門出居金墉城

華林

西門華林園西門也倫使張衡將兵守之

將即亮翻

丙寅尊帝爲太上

皇改金墉曰永昌宮廢皇太孫爲濮陽王

濮博木翻

立世子

萼爲太子

萼枯花翻楊正衡音孚

封子馥爲京兆王虔爲廣平

王詡爲霸城王皆侍中將兵以梁王彤爲宰衡

彤余中翻

何

劭爲太宰孫秀爲侍中中書監票騎將軍儀同三司

票匹

妙翻義陽王威爲中書令張林爲衛將軍其餘黨與皆爲

卿將

卿將列卿及諸中郎將也將即亮翻

超階越次不可勝紀

勝音升

下至

奴卒亦加爵位每朝會貂蟬盈座

武冠一曰武弁諸武官冠之侍中中常侍

加黃金璫附蟬爲文貂尾爲飾謂之趙惠文冠胡廣說
曰趙武靈王效番服以金璫飾首前挿貂尾爲貴職秦
滅趙以其冠賜近臣應劭漢官曰說者以金取堅剛百
鍊不耗蟬居高飲潔口在腋下貂內勁悍而外溫潤此
因物生義也徐廣曰趙武靈王番服有此秦漢即用
之說者蟬取其清高飲露而不食貂紫蔚米潤而毛采
不彰故於義亦取胡廣又曰意謂北方寒涼本以貂皮
暖額附施於冠因遂變成首飾沈約曰貂蟬之說因物
生義非其實也其實趙武靈王變番服秦滅趙以其
君冠賜侍臣故秦漢以來侍臣有貂蟬也朝直遙翻
人爲之諺曰貂不足狗尾續史記曰狐裘雖敝不可
補以黃狗之皮亦此意是

歲天下所舉賢良秀才孝廉皆不試

舊制賢良秀才皆
策試而後補官

郡國計吏及太學生年十六以上皆署吏守令赦日在

職者皆封侯

守式又翻

郡綱紀並爲孝廉縣綱紀並爲廉吏

郡綱紀功曹之屬縣綱紀主簿錄事史之屬廉吏亦選舉之一科史言倫秀欲以濫恩收衆心

府庫之

儲不足以供賜與應侯者多鑄印不給或以白板封之

初平南將軍孫旂之子弼弟子髦輔琰皆附會孫秀與

之合族旬月間致位通顯及倫稱帝四子皆爲將軍封

郡侯以旂爲車騎將軍開府旂以弼等受倫官爵過差

必爲家禍遣幼子回責之弼等不從旂不能制慟哭而

已據晉書孫旂四子並以吏才稱於當世附麗非人至於滅族擇交之難也然孫旂先與孫秀親善故諸子

從而附會之擇交之不審何以詔其子哉雖慟哭無益也孫族之赤旂實爲之

癸酉殺濮陽

哀王臧孫秀專執朝政倫所出詔令秀輒改更與奪

直朝

遙翻更工衡翻

自書青紙爲詔或朝行夕改百官轉易如流張

林素與秀不相能且怨不得開府潛與太子荇牋言秀

專權不合衆心而功臣皆小人撓亂朝廷

撓火高翻又奴巧翻

可

悉誅之荇以書白倫倫以示秀秀勸倫收林殺之夷其

三族秀以齊王冏成都王穎河間王顥各擁彊兵據方

面惡之

冏鎮許昌穎鎮鄴顥鎮關中惡烏路翻顥魚容翻

乃盡用其親黨爲三

王參佐加同鎮東大將軍穎征北大將軍皆開府儀同
三司以寵安之 李庠驍勇得衆心趙廠浸忌之而未

言

驍堅亮翻
廠許今翻

長史蜀郡杜淑張粲說廠曰將軍起兵始

爾而遽遣李庠握彊兵於外

謂廠使庠招合壯勇以
斷北道也說輸芮翻非

我族類其心必異此倒戈授人也宜早圖之會庠勸廠

稱尊號淑粲因白廠以庠大逆不道引斬之并其子姪

十餘人

考異曰載記曰及其子姪宗族三十餘人今
從華陽國志又國志庠死在本年冬晉春秋在

今年春時李特李流皆將兵在外廠遣人慰撫之曰庠
今從之

非所宜言罪應死兄弟罪不相及復以特流爲督將

將即

亮翻特流怨廡引兵歸縣竹廡牙門將涪陵許弇求爲巴

東監軍

涪陵縣漢屬巴郡蜀分爲涪陵郡涪音浮監音工銜翻

杜淑張粲固執不

許弇怒手殺淑粲於廡閣下淑粲左右復殺弇

復扶又翻

三

人皆廡之腹心也廡由是遂衰

腹心既死廡無所倚故其勢衰

廡遣長

史捷爲費遠

捷居言翻費扶沸翻

蜀郡大守李苾督護常俊督萬

餘人斷北道屯縣竹之石亭

苾昆必翻縣竹縣漢屬廣漢郡晉屬新都郡唐屬漢

州斷丁管翻

李特密收兵得七千餘人夜襲遠等軍燒之死

者十八九遂進攻成都費遠李苾及軍祭酒張微夜斬

關走文武盡散廡獨與妻乘小船走至廣都爲從者所

殺從才用翻特入成都縱兵大掠遣使詣洛陽陳廡罪狀初

梁州刺史羅尚聞趙廡反表廡非雄才蜀人不附敗亡

可計日而待詔拜尚平西將軍益州刺史督牙門將王

敦此別一王敦蜀郡太守徐儉廣漢太守辛冉等七千餘人

入蜀特等聞尚來甚懼使其弟驤於道奉迎并獻珍玩

尚悅以驤爲騎督驤斯將翻騎奇寄翻騎督督騎兵特流復以牛酒勞

尚於縣竹王敦辛冉說尚曰

復扶又翻勞力到翻說輸芮翻

特等專爲

盜賊宜因會斬之不然必爲後患尚不從冉與特有舊

謂特曰故人相逢不吉當凶矣特深自猜懼三月尚至

成都汶山羌反尚遣王敦討之爲羌所殺

汶音岷考異曰帝紀在

八月疑是洛陽始知今從華陽國志

齊王冏謀討趙王倫未發會離狐

王盛

離狐縣前漢屬東郡後漢晉屬濟陰郡唐天寶元年改爲南華縣屬鄆州

潁川處穆

晉書

作王處穆

聚衆於濁澤

濁澤在潁川長社縣

百姓從之以萬數倫以

其將管襲爲齊王軍司討盛穆斬之冏因收襲殺之

考

異曰齊王冏傳曰冏潛與盛穆謀起兵誅倫未發恐事泄乃與襲殺穆送首於倫以安其意今從三十國春秋

與豫州刺史何勗龍驤將軍董艾等起兵遣使告成

都王穎河間王顥常山王乂及南中郎將新野公歆

晉志

曰四中郎將並後漢置武帝以來四中郎將或領刺史或持節爲之歆扶風王駿之子也移檄征鎮

州郡縣國

征鎮四征四鎮居方面者

稱逆臣孫秀迷誤趙王當共誅

討有不從命者誅及三族使者至鄴成都王穎召鄴令盧志謀之志曰趙王篡逆人神共憤殿下收英俊以從人望杖大順以討之百姓必不召自至攘臂爭進蔑不

克矣

蔑無也

穎從之以志爲諮議參軍

諮議參軍晉公府皆置之蓋取諮詢

謀議軍事也其位在諸參軍之上

仍補左長史志毓之孫也

盧毓見七十三卷魏

明帝景初元年穎以兗州刺史王彥冀州刺史李毅督護趙驤

石超等爲前鋒遠近響應至朝歌

朝歌縣前漢屬河內郡晉分屬汲郡隋大

業二年改朝歌縣爲衛縣屬衛州有紂所都朝歌城在縣西

衆二十餘萬超苞之孫

也

石苞事文帝武帝功參佐命常山王乂在其國與太原內史劉暉

各帥衆爲穎後繼

暉他昆翻帥讀曰率

新野公歆得罔檄未知所

從嬖人王綏曰趙親而彊齊疎而弱

歆父扶風王駿與趙王倫皆宣帝子

歆於倫爲叔姪其屬親罔於歆爲從子其屬視倫爲疎嬖卑義翻又博計翻

公宜從趙參軍

孫詢大言於衆曰趙王凶逆天下當共誅之何親疎彊

弱之有歆乃從罔前安西參軍夏侯奭在始平合衆數

千人以應罔遣使邀河間王顥顥用長史李含謀遣振

武將軍河間張方討擒奭及其黨腰斬之

沈約志振武將軍始於西

漢之末王莽以命王況

罔檄至顥執罔使送於倫

使疏

遣張方將

兵助倫方至華陰

華戶

顥聞二王兵盛復召方還更附

二王

二王謂齊王罔成都王穎

罔檄至揚州州人皆欲應罔刺史郝

隆慮之玄孫也

郝丑之翻郝慮漢獻帝時爲御史大夫

以兄子鑒及諸子

悉在洛陽疑未決悉召僚吏謀之主簿淮南趙誘前秀

才虞潭皆曰趙王篡逆海內所疾今義兵四起其敗必

矣爲明使君計莫若自將精兵徑赴許昌上策也

齊王同時

鎮許昌

遣將將兵會之中策也量遣小軍隨彤助勝下策

也

將息亮翻量音良

隆退密與別駕顧彥謀之彥曰誘等下策

乃上計也治中留寶主簿張褒西曹留承聞之請見曰

不審明使君今當何施隆曰我俱受二帝恩

二帝謂宣帝武帝或

曰二帝謂惠帝及趙王倫非也

無所偏助欲守州而已承曰天下世祖

之天下也

文帝廟號世祖文帝平諸葛誕滅蜀始弘晉業

太上承代已久

太上謂惠

帝時號太上皇

今上取之不平

今上謂趙王倫

齊王順時舉事成敗可

見

言齊王罔舉事必成趙王倫必敗也

使君不早發兵應之狐疑遷延變

難將生

難乃旦翻

此州豈可保也隆不應潭翻之孫也

虞翻事吳

主權以直聞

隆停檄六日不下

停罔檄不下曹下避嫁翻

將士憤怒參軍

王邃鎮石頭將士爭往歸之隆遣從事於牛渚禁之不

能止

平吳之後揚州移鎮秣陵今於牛渚禁將士往石頭疑此時揚州又還治淮南也

將士遂

奉還攻隆隆父子及顧彥皆死傳首於冏安南將軍監

沔北諸軍事孟觀以爲紫宮帝座無他變

晉志北極五星鉤陳六星

皆在紫宮中鉤陳中一星曰天皇大帝大帝上九星曰華蓋所以覆蔽大帝之座也觀徒占天象而不察諸人事此其所以死也監

倫必不敗乃爲之固守

爲于偽翻

倫秀

聞三王兵起大懼

三王謂齊王冏成都王穎河間王顥也

詐爲冏表曰不

知何賊猝見攻圍臣懦弱不能自固乞中軍見救

魏晉以禁

兵爲中軍庶得歸死以其表宣示內外遣上軍將軍孫輔折

衝將軍李嚴

上軍將軍蓋當時所置沈約志折衝將軍始於建安中曹公以樂進爲之

帥兵

七千自延壽關出

晉志河南侯氏縣有延壽城帥讀曰率下同

征虜將軍張

泓左軍將軍蔡瑁前軍將軍閭和帥兵九千自崤阪關

出

晉志河南陽城縣有崤阪關杜佑曰崤嶺在河南登封縣登封故嵩陽也崤五各翻阪音反

鎮軍

將軍司馬雅揚威將軍莫原

沈約志揚威將軍魏置姓譜莫姓楚莫敖之後帥

兵八千自成臯關出

晉志河南成臯縣有成臯關

以拒罔

三路出兵以拒罔

遣孫秀子會督將軍士猗許超帥宿衛兵三萬以拒穎

召東平王楙爲衛將軍都督諸軍又遣京兆王馥廣平

王虔帥兵八千爲三軍繼援

孫會士猗許超三人所將之軍爲三軍

倫秀

日夜禱祈厭勝以求福

厭益葉翻

使巫覡選戰日

覡他狄翻

又使

人於嵩山著羽衣詐稱仙人王喬作書述倫祚長久欲

以惑衆

嵩山中嶽在潁川陽城縣漢武帝分置密高縣以奉中嶽東漢省併入陽城縣晉陽城縣屬河

南郡著陟畧翻劉向列仙傳曰王子喬周靈王太子晉也好吹笙作鳳鳴遊伊洛問道士浮丘公接上嵩山三十餘年後來於山上告桓良曰告我家七月七日待我於緱氏山頭果乘白鶴駐山嶺望之不得到舉手謝時人而去故倫秀詐以惑衆著陟畧翻

閏月丙戌朔日有食之自正月至

于是月五星互經天縱橫無常

志曰傳曰日陽君道也星陰臣道也日出則星

亡臣不得專也晝而星見午上爲經天其占爲不臣爲更王今五星悉經天天變所未有也縱子容翻

張

泓等進據陽翟

陽翟縣漢屬潁川郡晉屬河南郡

與齊王冏戰屢破之

冏軍潁陰

潁陰縣在潁川郡潁陰去陽翟四十里

夏四月泓乘勝逼之冏

遣兵逆戰諸軍不動而孫輔徐建軍夜亂徑歸洛自首

曰

首式救翻

齊王兵盛不可當泓等已沒矣趙王倫大恐祕

之而召其子虔及許超還

欲召河北之軍還以自衛

會泓破冏露布

至倫乃復遣之

復扶又翻

泓等悉帥諸軍濟潁攻冏營

潁水出潁

川陽城縣少室東南流過陽翟縣之北帥讀曰率下同

冏出兵擊其別將孫髦司

馬譚等破之泓等乃退孫秀詐稱已破冏營擒得冏令

百官皆賀成都王穎前鋒至黃橋

朝歌西有黃澤澤水右入蕩水謂之黃雀

溝橋當在溝上

爲孫會士猗許超所敗

敗補邁翻

殺傷萬餘人士衆

震駭穎欲退保朝歌盧志王彥曰今我軍失利敵新得

志有輕我之心我若退縮士氣沮衄不可復用

沮在呂翻衄女

六翻復扶又翻

且戰何能無勝負不若更選精兵星行倍道出

敵不意此用兵之奇也

星行者夜行戴星而行也

穎從之倫賞黃橋

之功士猗許超與孫會皆持節由是各不相從軍政不

一旦恃勝輕穎而不設備穎帥諸軍擊之大戰于淝水

泚水出河內軹縣東南至溫入河泚古聞會等大敗翻棄考異曰趙王倫傳作激水今從帝紀

軍南走頽乘勝長驅濟河自罔等起兵百官將士皆欲

誅倫秀秀懼不敢出中書省及聞河北軍敗憂慙不知

所爲

慙母本翻又莫困翻

孫會許超士猗等至與秀謀或欲收餘

卒出戰或欲焚宮室誅不附已者挾倫南就孫旂孟觀

孫旂在荊州孟觀在宛

或欲乘船東走入海計未決辛酉左衛將

軍王輿與尚書廣陵公淮

淮取猗翻

帥營兵七百餘人自南

掖門入宮三部司馬爲應於內攻孫秀許超士猗於中

書省皆斬之遂殺孫奇孫弼及前將軍謝悛等

悛徒甘翻

灌

卬之子也

卬音胃

王與屯雲龍門召八坐皆入殿中

坐但卧翻

使倫爲詔曰吾爲孫秀所誤以怒三王今已誅秀其迎

太上皇復位吾歸老于農畝傳詔以騶虞幡勅將士解

兵

傳詔者使之宣傳詔命因以爲官名

黃門將倫自華林東門出及太子

荇皆還汶陽里第

將如字引也荇枯花翻楊士衡音字洛陽城中有汶陽里倫私第在焉楊

正衡曰汶音問

遣甲士數千迎帝于金墉城百姓咸稱萬歲帝

自端門入升殿羣臣頓首謝罪詔送倫荇等赴金墉城

廣平王虔自河北還至九曲

水經注九曲在河南鞏縣西

聞變棄軍

將數十人歸里第癸亥赦天下改元

改元永寧

大酺五日

酺薄

乎分遣使者慰勞三王

勞力到

梁王彤等表趙王倫父子

凶逆宜伏誅丁卯遣尚書袁敞持節賜倫死收其子荇

馥虔誅皆誅之凡百官爲倫所用者皆斥免臺省府衛

僅有存者

尚書御史謁者臺門下中書祕書省府諸公府也衛二衛及六軍也

是日成都

王穎至已巳河間王顥至穎使趙驤石超助齊王冏討

張泓等於陽翟泓等皆降

降戶江翻

自兵興六十餘日戰鬪

死者近十萬人

近其新翻

斬張衡間和孫髦于東市蔡璜自

殺五月誅義陽王威襄陽太守宗岱承問檄斬孫旂

沈約

曰魏武帝分南郡編縣以北及南陽之山都立襄陽郡魚豢曰魏文帝立

永饒治令空桐機

斬孟觀

永饒治當在南陽宛縣空桐姓機名姓譜曰漢覆姓有空桐空相二氏世本云空同子姓蓋因

崆峒山也

皆傳首洛陽夷三族

立襄陽王尚爲皇太孫

六月乙卯齊王冏帥衆入洛陽

帥讀曰率

頓軍通章署甲士

數十萬威震京都

晉避景帝諱謂京師曰京都

戊辰赦天下

復

封賓徒王晏爲吳王

晏貶見上卷永康元年考異曰晏傳自賓徒徙封代王倫誅復本

封今從
帝紀

甲戌詔以齊王冏爲大司馬加九錫備物典

策如宣景文武輔魏故事成都王穎爲大將軍都督中
外諸軍事假黃鉞錄尚書事加九錫入朝不趨劔履上

殿考異曰穎傳曰至鄴詔王粹加九錫進位大將軍

穎曰今當與齊王共輔朝政明已有錄尚書之命但穎

不受歸鄴故朝廷使粹追命之耳且穎功大於冏不應

獨賞冏而穎未河間王顥爲侍中太尉加三賜之禮記

賞也今從帝紀制諸侯賜弓矢然後征賜鉞鉞然後殺賜圭璚然後爲壘常山王乂爲撫軍大將軍

領左軍

左軍即左軍將軍所統

進廣陵公淮爵爲王領尚書加侍

中進新野公歆爵爲王都督荊州諸軍事加鎮南大將

軍

歆自南中郎將加鎮南

齊成都河間三府各置掾屬四十人武

號森列

自東漢以來公府皆有掾屬但不帶武號耳掾以絹翻

文官備員而已識

者知兵之未戢也已卯以梁王彤爲太宰領司徒

彤以太師

領丞相之職

光祿大夫劉蕃女爲趙世子荇妻故蕃及二子

散騎侍郎輿冠軍將軍琨皆爲趙王倫所委任

冠古玩翻

大

司馬罔以琨父子有才望特宥之以輿爲中書郎

中書郎郎即

中書郎琨爲尚書左丞又以前司徒王戎爲尚書令劉暉

爲御史中丞

瞰他昆翻

王衍爲河南尹新野王歆將之鎮

將出

鎮荊州也

與罔同乘謁陵

乘繩正翻

因說罔曰成都王至親

帝弟之親

故曰至親說輸芮翻

同建大勲今宜留之與輔政若不能爾當奪

其兵權常山王又與成都王穎俱拜陵又謂穎曰天下

者先帝之業王宜維正之聞其言者莫不憂懼

憂懼者以同與

又穎必阻兵相圖將罹其禍也

盧志謂穎曰齊王衆號百萬與張泓等

相持不能決大王逕前濟河功無與貳今齊王欲與大

王共輔朝政志聞兩雄不俱立宜因太妃微疾求還定

省

穎母程才人冊爲成都太妃記曲禮凡爲人子者冬溫而夏清昏定而晨省省悉景翻

委重齊

王以收四海之心

委朝政之重於齊王則四海之人謂穎功大不居將歸心於穎

此計

之上也穎從之帝見穎于東堂慰勞之

勞力到翻

穎拜謝曰

此大司馬罔之勲臣無豫焉因表稱罔功德宜委以萬

機自陳母疾請歸藩即辭出不復還營便謁太廟出自

東陽城門

洛陽城東面北頭第二門曰東陽門

遂歸鄴遣信與罔別罔大

驚馳出送穎至七里澗及之

水經注鴻臺陂在洛陽東北二十里其水東流左合

七里澗武帝泰始十年立城東七里澗石橋

穎住車言別流涕滂沱

滂沱淚下如雨

也惟以太妃疾苦爲憂不及時事由是士民之譽皆歸

穎罔辟新興劉殷爲軍諮祭酒洛陽令曹攄爲記室督

漢建安三年曹公置軍謀祭酒晉制文武官公及諸方

面征鎮府皆置軍諮祭酒漢三公及大將軍府皆有記

室令吏主上章表奏報書記曹公輔漢以陳琳
阮瑤管記室晉諸公府皆有記室督攄抽居翻尚書郎

江統陽平太守河內苟晞參軍事
晉諸公諸從公爲持
節都督增參軍爲六

員吳國張翰爲東曹掾孫惠爲戶曹掾前廷尉正顧榮
及順陽王豹爲主簿
晉制東曹在倉曹之上戶曹在倉

南陽立南鄉郡武帝太康中更
曹之下廷尉屬官有正監平魏分
名順陽郡掾俞絹翻豹補教翻
惠賁之曾孫
孫賁吳主
權從兄

榮雍之孫也

顧雍吳相也

殷幼孤貧養曾祖母以孝聞

養羊亮翻

人以穀帛遺之

遺于季翻

殷受而不謝直云待後貴當相酌

耳及長博通經史性倜儻有大志

長知兩翻倜儻卓異也劉殷後

事劉聰貴顯女克聰後宮何足尚也

儉而不陋清而不介望之頽然而不

可侵也問以何勗爲中領軍董文典樞機又封其將佐

有功者葛旗路秀衛毅劉真韓泰皆爲縣公委以心膂

號曰五公

葛旗牟平公路秀小黃公衛毅陰平公劉真安鄉公韓泰封丘公旗音與考異曰路秀

帝紀作路季今從齊王問傳

成都王穎至鄴詔遣使者就申前命穎

受大將軍讓九錫殊禮表論興義功臣皆封公侯

穎亦表封

盧志和演董洪王彥趙驥等

又表稱大司馬前在陽翟與賊相持既

久百姓困敝乞運河北邸閣米十五萬斛以賑陽翟饑

民造棺八千餘枚以成都國秩爲衣服斂祭黃橋戰士

斂力旌顯其家加常戰亡二等又命溫縣瘞趙王倫戰

士萬四千餘人

此淝水之戰也溫縣屬河內郡周司寇蘇忿生之國也瘞於計翻

皆盧

志之謀也穎貌美而神昏不知書然氣性敦厚委事於

志故得成其美焉詔復遣使諭穎入輔并使受九錫

復扶

又翻穎嬖人孟玖不欲還洛嬖卑義翻又程太妃愛戀鄴

都故穎終辭不拜初大司馬罔疑中書郎陸機爲趙王

倫撰禪詔收欲殺之大將軍穎爲之辯理得免死爲于偽翻

因表爲平原內史以其弟雲爲清河內史機友人顧榮

及廣陵戴淵以中國多難難乃旦翻勸機還吳機以受穎全

濟之恩且謂穎有時望可與立功遂留不去爲陸機陸雲爲穎所

殺張本秋七月復封常山王又爲長沙王武帝太康十年封又爲長

沙王楚王瑋之誅又以同遷開府驃騎將軍東萊王

母貶爲常山王今復舊封

蕤凶暴使酒數陵侮大司馬罔

數所角翻

又從罔求開府不

得而怨之密表罔專權與左衛將軍王興謀廢罔事覺

八月詔廢蕤爲庶人誅興三族徙蕤於上庸上庸內史

陳鍾承罔旨潛殺之

考異曰帝紀六月庚午蕤與王興謀廢罔事覺得罪甲戌罔爲大

司馬按誅興詔已稱罔爲大司馬則興事覺不應在同爲大司馬前今從三十國春秋在八月

赦天

下東武公澹坐不孝徙遼東九月徵其弟東安王繇

復舊爵

繇廢徙見八十二卷元康元年

拜尚書左僕射繇舉東平王楙

爲都督徐州諸軍事鎮下邳

州

考異曰楙爲平東督徐州九月繇復爵按楙傳繇

爲僕射舉楸爲平東故移在繇還後

初朝廷符下秦雍州使召還流民

入蜀者

下還嫁翻
雍於用翻

又遣御史馮該張昌督之李特兄輔

自略陽至蜀言中國方亂不足復還特然之累遣天水

閻式詣羅尚求權停至秋又納賂於尚及馮該尚該許

之朝廷論討趙廞功拜特宣威將軍弟流奮武將軍皆

封侯璽書下益州條列六郡流民與特同討廞者將加

封賞廣漢太守辛冉欲以滅廞爲己功寢朝命

寢封拜
特流之

命也下還嫁

不以實上

所謂條列者不以實
上上時掌翻下同

衆咸怨之

六郡之衆也

羅尚遣從事督遣流民限七月上道

上時掌翻

時流

民布在梁益爲人傭力聞州郡逼遣人人愁怨不知所

爲且水潦方盛年穀未登無以爲行資特復遣閭閻式詣

尚求停至冬

復扶又翻下日復復值同

辛冉及犍爲太守李苾以爲

不可

犍居言翻苾毗必翻

尚舉別駕杜弢秀才式爲弢說逼移利

害弢亦欲寬流民一年

弢他刀翻爲于僞翻下數爲同

尚用冉苾之謀

不從弢乃致秀才板出還家

送至爲致

冉性貪暴欲殺流民

首領取其資貨乃與苾白尚言流民前因趙廞之亂多

所剽掠宜因移設關以奪取之

剽匹妙翻移即移書也流民安於蜀土雖以朝

命驅使還本猶恐其不去況欲設關以奪取其資財是連之爲亂也

尚移書梓潼太守張

演於諸要施關搜索寶貨

蜀劉民分廣漢立梓潼郡諸要者凡路所通其地當往來

之津要者施關者先未嘗立關今特設之

特數爲流民請留

數所角翻

流民皆感

而恃之多相帥歸特特乃結大營於綿竹以處流民

帥讀

曰率處昌呂翻

移辛冉求自寬冉大怒遣人分榜通衢購募特

兄弟許以重賞特見之悉取以歸與弟驤改其購云能

送六郡酋豪李任閭趙上官及氏叟侯王一首賞百匹

蜀叟自是一種苗
慈由翻任音壬

於是流民大懼歸特者愈衆旬月間

過二萬人流亦聚衆數千人特又遣閭式詣羅尚求申

期

申重也求重爲期限使流民得自寬也

式見營柵衝要謀擒流民歎曰

民心方危今而速之亂將作矣又知辛冉李苾意不可

回乃辭尚還縣竹尚謂式曰子且以吾意告諸流民今

聽寬矣式曰明公惑於姦說恐無寬理弱而不可輕者

民也今趣之不以理

趣讀曰促

衆怒難犯

左傳鄭子產之言

恐爲禍

不淺尚曰然吾不欺子子其行矣式至縣竹言於特曰

尚雖云爾然未可信也何者尚威刑不立再等各擁疆

兵一旦爲變亦非尚所能制深宜爲備特從之

閻式已
覘知冉

等之

冬十月特分爲二營特居北營流居東營繕甲厲

兵戒嚴以待之冉苾相與謀曰羅侯貪而無斷

斷丁
亂翻日

復一日令流民得展姦計李特兄弟並有雄才吾屬將

爲所虜矣宜爲決計

欲一戰以
決之也

羅侯不足復問也

復扶
又翻

乃遣廣漢都尉曾元牙門張顯劉並等潛帥步騎三萬

襲特營

帥讀
曰率

羅尚聞之亦遣督護田佐助元元等至特

安卧不動待其衆半入發伏擊之死者甚衆殺田佐曾

元張顯傳首以示尚冉尚謂將佐曰此虜成去矣

謂特雖求

申行期而去計已成也

而廣漢不用吾言以張賊勢

辛冉爲廣漢太守故稱之

尚言冉輕用兵爲特所敗使其勢愈張也張知亮翻

今若之何於是六郡流民共

推特行鎮北大將軍承制封拜以其弟流行鎮東大將

軍號東督護以相鎮統又以兄輔爲驃騎將軍弟驤爲

驍騎將軍

驃匹妙翻驍堅堯翻

進兵攻冉於廣漢

廣漢郡治廣漢縣後宋置遂寧

郡齊梁加東字後魏改廣漢縣爲方義縣後周改東遂寧爲遂州方義爲遂州治所

尚遣李苾費

遠帥衆救冉

費扶沸翻

畏特不敢進冉出戰屢敗潰圍奔德

陽

德陽縣後漢置屬廣漢郡至唐屬劍州

特入據廣漢以李超爲太守進

兵攻尚於成都尚以書諭閭式式復書曰辛冉傾巧曾

元小豎李叔平非將帥之才

李苾字叔平將即亮翻帥所類翻

式前爲

節下及杜景文論留徙之宜

晉人稱方面專征之將率曰節下杜弢字景文爲于

僞人懷桑梓

桑梓祖父之所樹以遺子孫者故謂懷故鄉者爲懷桑梓

孰不願之但

往日初至隨穀庸賃

謂往日流民初至蜀之時無以自給隨所往逐糧出力爲人傭作賃

女禁翻

一室五分復值秋潦

潦魯皓翻雨水貌復扶又翻

乞須冬熟

而終不見聽繩之太過窮鹿抵虎流民不肯延頸受刀

以致爲變即聽式言寬使治嚴

即就也治嚴猶云治裝也治直之翻

不過

去九月盡集

日月已過者爲去

十月進道令達鄉里何有如此

也特以兄輔弟驤子始蕩雄及李含含子國離任回李

攀攀弟恭上官晶任臧楊褒上官惇等爲將帥閻式李

遠等爲僚佐羅尚素貪殘爲百姓患特與蜀民約灋三

章施捨賑貸

杜預曰施恩惠捨勞役

禮賢拔滯軍政肅然蜀民大

悅尚頻爲特所敗

敗隋邁翻

乃阻長圍緣郾水作營連延七

百里

水經注綿水西出綿竹縣又與湔水合亦謂之郫江載記曰尚緣水作營自都安至犍爲七百里師

古曰郫音疲

與特相拒求救於梁州及南夷校尉

南夷校尉統南中都

郡

十二月穎昌康公何邵薨

封大司馬冏子冰爲

樂安王英爲濟陽王超爲淮南王

太安元年

是年十二月齊王冏死方改元太安此猶是永寧二年

春三月冲太孫

尚薨

冲諡也

夏五月己酉梁孝王彤薨

以右光祿大

夫劉寔爲太傅尋以老病罷

河間王顥遣督護衙博

討李特

姓譜秦穆公子食采於衙因氏焉衙縣漢屬馮翊

軍于梓潼

梓潼縣漢屬廣漢郡

劉蜀分廣漢置梓潼郡唐劍州之梓潼普安黃朝廷復安永歸武連臨津劍門皆漢梓潼縣地潼音同

以張微爲廣漢太守軍于德陽

復扶又

羅尚遣督護張

龜軍于繁城

繁縣屬蜀郡劉昫曰唐彭州九隴縣漢繁縣地宋白曰益州新繁縣本漢繁縣

特

使其子鎮軍將軍蕩等襲博而自將擊龜破之蕩敗博

兵於陽沔

敗補蕩翻下所敗同

梓潼太守張演委城走巴西丞毛

植以郡降蕩進攻博於葭萌

巴西郡唐爲閬果二州之地劉蜀改漢葭萌縣爲漢

壽縣晉又改爲晉壽此本之漢舊縣名博走其衆盡降

而書之唐爲利州之縣谷葭萌二縣地

降戶河間王顥更以許雄爲梁州刺史特自稱大將軍

益州牧都督梁益二州諸軍事 大司馬冏欲久專大

政以帝子孫俱盡

太子適死帝無子矣
彭臧尚死帝無孫矣

大將軍穎有次

立之勢

穎於帝諸弟
之次當及

清河王覃遐之子也方八歲乃上

表請立之癸卯立覃爲皇太子以冏爲太子太師東海

王越爲司空領中書監 秋八月李特攻張微微擊破

之遂進攻特營李蕩引兵救之山道險陁

陁與
狹同

蕩力戰

而前遂破微兵特欲還涪蕩及司馬王幸諫曰微軍已

敗智勇俱竭宜乘銳氣遂禽之特復進攻微殺之生禽

微子存以微喪還之特以其將蹇碩守德陽

蹇九件翻姓也

李

驤軍毗橋

今懷安軍西北有中江源從漢州彌牟雒水毗橋水三水會爲一江懷安軍漢廣漢新都

縣之地

羅尚遣軍擊之屢爲驤所敗驤遂進攻成都燒其

門李流軍成都之北尚遣精勇萬人攻驤驤與流合擊

大破之還者什一二許雄數遣軍攻特不勝

數所角翻

特勢

益盛建寧大姓李叡毛詵逐太守許俊

建寧古滇王國之地漢開置益

州郡劉蜀更名建寧郡唐爲昆州之地

朱提大姓李猛逐太守雍約以應

特

朱提縣前漢屬犍爲郡後漢屬犍爲屬國都尉劉蜀分置朱提郡唐爲曲州之地朱提蘇林音鉢時雍於

用翻衆各數萬南夷校尉李穀討破之斬詵李猛奉牋降

而辭意不遜穀誘而殺之冬十一月丙戌復置寧州

罷

州見八十一卷

武帝太康五年以穀爲刺史

齊武閔王罔既得志頗

驕奢擅權大起府第壞公私廬舍以百數

棟音怪

制與西

宮等中外失望侍中嵇紹上疏曰存不忘亡易之善戒

也

易大傳子曰危者安其位者也亡者保其存者也亂者有其治者也君子安而不忘危存而不忘亡治而

不忘亂是以身安而國家可保也易曰其亡其亡繫于苞桑

臣願陛下無忘金墉大

司馬無忘穎上大將軍無忘黃橋則禍亂之萌無由而

兆矣

齊桓公與鮑叔牙管夷吾甯戚飲酒酣叔牙爲壽曰願君無忘在昔時願管子無忘束縛於魯時甯

子無忘飯牛車下時嵇紹之言祖其意

又與問書以爲唐虞茅茨夏禹

卑宮

唐虞茅茨不斲茅茨不翦禹卑宮室

今大興第舍及爲三王立宅

爲于

偽豈今日之急邪問遜辭謝之然不能從問耽於宴樂

不入朝見

樂音洛朝直遙翻見賢適翻

坐拜百官

坐受百官之拜也一說天子用三公

九卿諸將軍猶引而拜之今問安坐府第拜受百官也用符勅三臺使奉

符勅三臺選用不均

以私意選

行不均之大者也嬖寵用事

凡史書其人將敗必先敘其致敗之由此左氏傳例

殿中御史桓豹奏事不先經問府即加考覈

魏制蘭臺遣二御史

居殿中伺察非法及晉置四人史言罔但欲專權考竟殿中御史不知無君之迹愈著

南陽處士

鄭方

處昌呂翻

上書諫罔曰今大王安不慮危宴樂過度一

失也

樂音洛

宗室骨肉當無纖介今則不然二失也蠻夷

不靜大王謂功業已隆不以爲念三失也

蠻夷不靜謂李特等寇亂

梁益也

兵革之後百姓窮困不聞賑救四失也

此一失蓋指成都王

穎運米以收河南人心而不敢察察言之耳

大王與義兵盟約事定之後賞

不踰時而今猶有功未論者五失也

兵法曰賞不踰時欲民速得爲善之

利也此言穎上之功猶有未叙者

罔謝曰非子孤不聞過孫惠上書曰

天下有五難四不可而明公皆居之冒犯鋒刃一難也

冒莫北翻

聚致英豪二難也與將士均勞苦三難也

將即以亮翻

弱勝彊四難也興復皇業五難也大名不可久荷

荷下可翻

大功不可久任大權不可久執大威不可久居大王行

其難而不以爲難

謂在穎上時也

處其不可而謂之可

惠之此言婉而

切處昌呂翻

惠切所不安也明公宜思功成身退之道

老子曰功

成名遂身退天之道

崇親推近委重長沙成都二王長揖歸藩則

太伯子臧不專美於前矣

吳太伯以天下讓曹子臧以國讓

今乃忘高

亢之可危

亢口浪翻
高極爲亢

貪權勢以受疑雖遨遊高臺之上

逍遙重墉之內

重直
龍翻

愚竊謂危亡之憂過於在穎翟之

時也

穎翟謂穎
川陽翟也

罔不能用惠辭疾去罔謂曹攄曰或勸

吾委權還國何如攄曰物禁太盛大王誠能居高慮危

褰裳去之斯善之善者也罔不聽張翰顧榮皆慮及禍

翰因秋風起思菰菜蓴羹鱸魚膾

菰一名蔣本草曰菰
又謂之茭歲久中心

生白臺謂之菰米其臺中有黑者謂之茭至後結實乃
雕胡黑米也蓴生水中央似鳬茨春夏細長肥滑三月
至八月爲絲蓴九月至十一月爲猪蓴鱸魚
出吳松江者佳吳人以爲膾甚美蓴殊倫翻歎曰人生

貴適志耳富貴何爲即引去榮故酣飲不省府事

省悉景翻

長史葛旟以其廢職白罔徙榮爲中書侍郎潁川處士

庾袞

姓諧庾姓堯時爲掌庾大夫因氏焉處昌呂翻下處要同

聞罔暮年不朝歎曰

晉室卑矣禍亂將興帥妻子逃於林慮山中

帥讀曰率慮音慮

王豹致賤於罔曰伏思元康以來宰相在位未有一人

獲終者

元康元年楊駿誅繼而汝南王亮死永康元年張華裴頠死

乃事勢使然非

皆爲不善也今公克平禍亂安國定家乃復尋覆車之

軌

又復扶翻

欲冀長存不亦難乎今河間樹根於關右成都

盤桓於舊魏

曹魏以鄴都基王業故謂之舊魏

新野大封於江漢三王

方以方剛強盛之年並典戎馬處要害之地而明公以

難賞之功挾震主之威獨據京都專執大權進則亢龍

有悔

易乾上九爻辭象曰亢龍有悔盈不可久也

退則據于蒺藜

易困六三爻辭陶弘

景曰蒺藜多生道上而葉布地子有刺狀若菱而小有三角長安最饒人以故多著木屐今軍家乃鑄鉄作之以布敵路亦呼爲蒺藜易云據于蒺藜言其凶傷也爾雅翼茨蒺藜詩曰牆有茨蒺藜昨失翻蒺藜力脂翻又力兮

翻冀此求安未見其福也因請悉遣王侯之國

豹因此語掇長

沙王人之怒以殺其身

依周召之法

召讀曰邵

以成都王爲北州伯治

鄴罔自爲南州伯治宛分河爲界各統王侯以夾輔天

子

周之時周召分陝而治爲二伯以夾輔王室故王豹欲依以爲法宛於元翻

罔優令答之

長沙王又見豹牋謂罔曰小子離間骨肉何不銅駝下

打殺罔乃奏豹讒內間外

間右莧翻

坐生猜嫌不忠不義鞭

殺之豹將死曰縣吾頭大司馬門見兵之攻齊也

縣請曰懸

昔伍子胥爲吳王夫差所殺將死曰縣吾目於吳東門見越之入吳也豹倣此語

罔以河間王

顯本附趙王倫心常恨之梁州刺史安定皇甫商與顯

長史李含不平含被徵爲翊軍校尉時商參罔軍事夏

侯奭兄亦在罔府含心不自安

顯附趙王倫奭爲顯所殺事並見上永寧元年

又與罔右司馬趙驤有隙遂單馬奔顯詐稱受密詔使

顯誅罔因說顯曰

說輸芮翻

成都王至親有大功推讓還藩

甚得衆心

推吐雷翻

齊王越親而專政朝廷側目今檄長沙

王使討齊齊王必誅長沙吾因以爲齊罪而討之必可

禽也去齊立成都

去羌呂翻

除逼建親以安社稷大勲也顯

從之是時武帝族弟范陽王虓都督豫州諸軍事

虓宣帝弟

東武城侯虓之少子虓虛交翻

顯上表陳罔罪狀且言勒兵十萬欲與

成都王穎新野王歆范陽王虓共會洛陽請長沙王乂

廢冏還第以穎代冏輔政顥遂舉兵以李含爲都督帥

張方等趨洛陽復遣使邀穎

帥讀曰率趨七喻翻復扶又翻

穎將應之

盧志諫不聽十二月丁卯顥表至冏大懼會百官議之

曰孤首唱義兵臣子之節信著神明今二王信讒作難

將若之何

二王謂河間王顥成都王穎難乃旦翻

尚書令王戎曰公勲業

誠大然賞不及勞故人懷貳心今二王兵盛不可當也

若以王就第委權崇讓庶可求安冏從事中郎葛旗怒

曰三臺納言不恤王事

謂尚書也

賞報稽緩

賞以報功故曰賞報稽留也緩

遲責不在府

自謂過不在齊府也

讒言逆亂當共誅討奈何虛承

偽書遽令公就第乎漢魏以來王侯就第寧有得保妻

子者邪議者可斬百官震悚失色戎偽藥發墮廁得免

李含屯陰盤

魏收地形志陰盤縣漢屬安定郡晉屬京兆郡鴻門戲水皆在縣界余按漢京兆與

馮翊以渭水爲界安定在馮翊之北晉安得割安定之陰盤以屬京兆邪此魏收之誤也水經注冷水逕陰盤

新豐兩原之間北流注于渭漢靈帝建寧三年改新豐爲都鄉封段穎爲侯國後立陰槃城其水際城北出謂是水爲陰槃水又北絕漕槃溝注于渭是則李含所屯之陰盤也五代史志隋廢後魏平涼郡入陰盤縣地形

志涇州有平原郡治陰盤縣一志之間兩陰盤並載而不覺其誤以是見史學之難精也劉昫曰唐涇州良原縣隋陰盤縣是即漢安定之陰盤縣宋白曰京兆昭應縣東十三里有漢新豐縣故城亦謂之陰盤城後漢靈帝末移安定陰盤縣寄理於此是即京兆之陰盤也

張方帥兵二萬軍新安

新安縣漢

屬弘農郡晉屬河南郡帥讀曰率

檄長沙王又使討冏冏遣董艾襲入

又將左右百餘人馳入宮閉諸門奉天子攻大司馬府

董艾陳兵宮西縱火燒千秋神武門

千秋神武門宮西門也東漢曰神虎

晉及南北諸史皆唐羣臣所定唐太祖諱虎避之改爲武

冏使人執驕虞幡唱云長

沙王又矯詔又又稱大司馬謀反是夕城內大戰飛矢

雨集火光屬天

屬之欲翻

帝幸上東門

此上東門非洛城之上東門宮城之上東

門也

矢集御前羣臣死者相枕

枕職鳩翻

連戰三日罔衆大敗

大司馬長史趙淵殺何曷因執罔以降

何曷與罔同起兵時爲中領軍

降戶江翻

罔至殿前帝惻然欲活之又叱左右趣牽出

趣請曰促

斬於閭闔門外

水經注曰按禮王有五門謂臯門庫門雉門惠門路門魏明帝上法太極於洛

陽南宮起太極殿于漢崇德殿之故處改雉門曰閭闔門余按天門曰閭闔法以名門又按晉志洛陽城西有廣陽西明閭闔三門未知孰是此時忽忽奚暇牽罔出都城西門乎此必宮城之閭闔門也

徇首六

軍同黨皆夷三族死者二千餘人囚罔子超冰英於金

墉城廢罔弟北海王寔赦天下改元

改元太安

李含等聞罔

死引兵還長安長沙王乂雖在朝廷事無巨細皆就鄴

諮大將軍潁潁以孫惠爲參軍陸雲爲右司馬是歲

陳留王薨謚曰魏元皇帝

晉受魏禪奉魏帝爲陳留王

鮮卑宇文

單于莫圭部衆彊盛遣其弟屈雲攻慕容廆廆擊其別

帥素怒延破之

單音蟬帥所類翻

素怒延恥之復發兵十萬圍

廆於棘城

復扶又翻

廆衆皆懼廆曰素怒延兵雖多而無濫

制已在吾筭中矣諸君但爲力戰

爲于偽翻

無所憂也遂出

擊大破之追奔百里俘斬萬計

考異曰載記作素延下云素延怒率衆圍棘

城按燕書紀傳皆謂之素怒延然則怒延是其名也

遼東孟暉先沒於宇文部帥

其衆數千家降于虜

帥請曰率降戶江翻

虜以爲建威將軍虜以

其臣慕輿句勤恪廉靖使掌府庫句心計默識

識音志記也

不按簿書始終無漏以慕輿河明敏精審使典獄訟覆

訊清允

慕輿蓋亦鮮卑之種別爲一姓史言慕容虜善用人

資治通鑑卷八十四

資治通鑑卷八十五

宋 司馬光 撰

胡三省 音註

晉紀七

起昭陽大淵獻盡
開達困敦凡二年

孝惠皇帝中之下

太安二年春正月李特潛渡江擊羅尚水上軍皆散走

郫水上
軍也

蜀郡太守徐儉以少城降

少詩照翻降
戶江翻下同

特入據

之惟取馬以供軍餘無侵掠赦其境內改元建初

異曰考

帝紀太安元年五月特自號大將軍載記太安元年特稱大將軍改元後魏書李雄傳云昭帝七年特稱大將軍號年建初昭帝七年太安元年也祖孝徵修文殿御覽云太安二年特大赦改元建初元年特見殺三十國晉春秋云太安二年正月特

僭位改元今從御覽等書

羅尚保太城遣使求和於

特蜀民相聚爲塢者皆送款於特特遣使就撫之

使疏吏翻

以軍中糧少

少詩沼翻

乃分六郡流民於諸塢就食李流言

於特曰諸塢新附人心未固宜質其大姓子弟

質音致

聚

兵自守以備不虞又與特司馬上官惇書曰納降如受

敵不可易也

恐其詐降當嚴爲之備如待敵然易以鼓翻

前將軍雄亦以爲

言特怒曰大事已定但當安民何爲更逆加疑忌使之

離叛乎朝廷遣荊州刺史宗岱建平太守孫阜帥水軍

三萬以救羅尚

朝直達翻守式又翻帥讀曰率下同

岱以阜爲前鋒進逼

德陽特遣李蕩及蜀郡太守李璜就德陽太守任臧共

拒之

李特蓋又分廣漢立德陽郡任音壬下同

岱阜軍勢甚盛諸塢皆有貳

志益州兵曹從事蜀郡任叡言於尚曰李特散衆就食

驕怠無備此天亡之時也宜密約諸塢刻期同發內外

擊之破之必矣尚使叡夜縋出城

任音壬縋馳僞翻

宣旨於諸

塢期以二月十日同擊特叡因詣特詐降特問城中虛

實叡曰糧儲將盡但餘貨帛耳叡求出省家特許之遂

還報尚

考異曰載記作任明羅尚傳作任銳今從華陽國志省悉景翻

二月尚遣兵

掩襲特營諸塢皆應之特兵大敗斬特及李輔李遠皆

焚尸傳首洛陽流民大懼李蕩李雄收餘衆還保赤祖

赤祖地名當在縣竹東祖子邪翻

流自稱大將軍大都督益州牧保東

營蕩雄保北營孫阜破德陽獲蹇碩

蹇姓也與蹇同

任臧退屯

涪陵

此涪陵乃漢廣漢郡之涪縣晉梓潼郡之涪城縣非涪陵郡之涪陵廣漢梓潼之涪今綿州今人猶

謂縣州爲涪陵涪陵郡之涪陵則今涪州涪陵縣也

三月羅尚遣督護何冲常深

攻李流涪陵民樂紳亦起兵攻流流與李驤拒紳何冲

乘虛攻北營氏苻成隗伯在營中叛應之蕩母羅氏擐

甲拒戰

擐音官

伯手刃傷其目羅氏氣益壯會流等破深

紳引兵還與冲戰大破之成伯率其黨突出詣尚流等

乘勝進抵成都尚復閉城自守

復扶又翻

蕩馳馬逐北中矛

而死

仲翻

朝廷遣侍中劉沈假節統羅尚許雄等軍

羅尚

帥益州兵許雄帥梁州兵沈持林翻

討李流行至長安河間王顥留沈爲

軍師遣席遠代之

遠羽委翻

李流以李特李蕩繼死宗岱孫

阜將至甚懼李含勸流降流從之李驤李雄迭諫不納

夏五月流遣其子世及含子胡爲質於阜軍

質音致

胡兄

離爲梓潼太守聞之自郡馳還欲諫不及退與雄謀襲

阜軍雄曰爲今計當如是而二翁不從奈何

二翁謂李流李含也

離曰當劫之耳雄大喜乃共說流民曰

說輸芮翻

吾屬前已

殘暴蜀民今一旦束手便爲魚肉惟有同心襲阜以取

富貴耳衆皆從之雄遂與離襲擊阜軍大破之會宗岱

卒於墊江

墊音疊墊江縣自漢來屬巴郡唐爲合州之地

荊州軍遂退流甚慙

由是奇雄才軍事悉以任之

新野莊王歆爲政嚴急

失蠻夷心義陽蠻張昌聚黨數千人欲爲亂

劉昫曰義陽本漢平

氏縣之義陽鄉魏文帝黃初中分義陽縣蓋治石城後分南陽郡立義陽郡治安昌城領安昌平林平氏陽平春陵五縣唐爲荊州以壬午詔書發武勇赴益州討李

申唐二州之地

流號壬午兵民憚遠征皆不欲行詔書督遣嚴急所經之界停留五日者二千石免官由是郡縣官長皆親出

驅逐

長知兩翻

展轉不遠輒復屯聚爲羣盜

復扶又翻下同

時江夏

大稔民就食者數千口張昌因之誑惑百姓

夏戶雅翻
誑居况翻

更姓名曰李辰

更工
衛翻

募衆於安陸石巖山

晉書張昌傳
云石巖山去

安陸郡八十里水經注涓水過江夏安陸縣西
又南還石巖山北今德安府南十里有石巖山

諸流民

及避戍役者多從之太守弓欽遣兵討之不勝

姓魯大
姓諸弓

夫叔弓之後余按孔子弟子有仲弓又有
駟臂子弓而獨以魯叔弓後殊爲未通

昌遂攻郡欽

兵敗與部將朱伺犇武昌

伺相
吏翻

歆遣騎督靳滿討之滿

復敗走

駟奇寄翻
靳居歆翻

昌遂據江夏

杜佑曰漢江夏郡故城
在安州雲夢縣東南

造妖言云當有聖人出爲民主得山都縣吏丘沈

山都
縣漢

屬南陽郡晉屬襄陽郡其地屬唐襄州穀城縣界杜佑曰山都縣故城在襄州義清縣東南沈持林翻

更

其姓名曰劉尼詐云漢後奉以爲天子曰此聖人也昌

自爲相國詐作鳳皇玉璽之瑞璽斯氏翻建元神鳳郊祀服

色悉依漢故事有不應募者族誅之士民莫敢不從又

流言江淮已南皆反官軍大起當悉誅之互相扇動人

情惶懼江沔間所在起兵以應昌沔彌充翻旬月間衆至三

萬皆著絳帽著陟畧翻以馬尾作髯詔遣監軍華宏討之敗

于障山今安陸縣東四十里有障山監工衙翻華戶化翻歆上言妖賊犬羊萬

計絳頭毛面挑刀走戟其鋒不可當

挑徒了翻挑刀舞刀也今鄉落悍民

兩手運雙刀坐作進退爲擊刺之勢擲刀空中高一二丈以手接之又善舞戟左奔右赴爲刺敵之勢又環身盤戟回轉如縈又以戟矜柱地跳過矜上特爲儼捷此所謂走戟也歟於嬌翻請臺勅諸軍三

道救助朝廷以屯騎校尉劉喬爲豫州刺史寧朔將軍

沛國劉弘爲荊州刺史

寧朔將軍始見於此

又詔河間王顥遣雍

州刺史劉沈將州兵萬人并征西府五千人出藍田關

以討昌

藍田關在京兆藍田縣即秦之峽關也雍於用翻沈持林翻

顥不奉詔沈自

領州兵至藍田顥又逼奪其衆於是劉喬屯汝南劉弘

及前將軍趙驤平南將軍羊伊屯宛

宛於元初

昌遣其將黃

林帥二萬人向豫州劉喬擊却之

帥請曰率

初歆與齊王冏

善

事見上卷永寧元年

冏敗歆懼自結於大將軍穎及張昌作亂

歆表請討之時長沙王乂已與穎有隙疑歆與穎連謀

不聽歆出兵昌衆日盛從事中郎孫洵謂歆曰公爲岳

牧

古有四岳十二牧各統其方諸侯之國故後人謂專方面者爲岳牧

受閭外之託拜表

輒行有何不可而使姦凶滋蔓禍釁不測豈藩翰王室

鎮靜方夏之義乎

毛萇曰藩樊也籬也翰餘也夏戶雅翻

歆將出兵王綏

曰昌等小賊偏裨自足制之何必違詔命親矢石也昌

至樊城歆乃出拒之衆潰爲昌所殺詔以劉弘代歆爲

鎮南將軍都督荊州諸軍事六月弘以南蠻長史陶侃

爲大都護

南蠻校尉有長史司馬

參軍蒯恒爲義軍督護

義軍蓋民兵也

督護之官蓋創置於此時蒯苦怪翻

牙門將皮初爲都戰帥進據襄陽

杜佑

曰襄陽漢中廬縣也

張昌并軍圍宛敗趙驤軍殺羊伊劉弘退屯

梁

梁縣屬汝南郡唐爲汝州治所敗補邁翻

昌進攻襄陽不克

李雄攻殺

汶山太守陳圖

汶音民國志作陳

昔今從載記

遂取郾城

郾縣屬蜀

郡李膺益州記郫縣故城在今縣北劉
昫曰唐益州溫江縣漢郫縣地郫音疲秋七月李流徙

屯郫蜀民皆保險結塢或南入寧州或東下荊州城邑

皆空野無煙火流虜掠無所得士衆饑乏唯涪陵千餘

家依青城山處士范長生青城山在汶山郡都安縣今在永康軍青城縣北三十二

里杜光庭作青城山記曰岷山連峯接岫千里不絕青
城乃第一峯也范長生涪陵人率衆保之處昌呂翻

考異曰華陽國志作范賢今從載記平西參軍涪陵徐舉說羅尚求爲汶

山太守邀結長生與共討流尚爲平西將軍以徐舉爲參軍考異曰華陽國志

作徐舉今從載記尚不許舉怒出降於流降戶翻流以舉爲安西

將軍饒說長生使資給流軍糧

說輸芮翻
下含說同

長生從之流

軍由是復振 初李含以長沙王又微弱必爲齊王冏

所殺因欲以爲冏罪而討之遂廢帝立大將軍穎以河

間王顥爲宰相已得用事既而冏爲人所殺

事見上年穎

顥猶守藩不如所謀穎恃功驕奢百度弛廢甚於冏時

猶嫌又在內不得逞其欲欲去之

去羌呂翻

時皇甫商復爲

又參軍商兄重爲秦州刺史含說顥曰商爲人所任重

終不爲人用宜早除之

商含不平事
見上卷元年

可表遷重爲內職

因其過長安執之重知之露檄上尚書

上時掌翊

發隴上兵

以討舍

自隴以西六郡統於秦州

又以兵方少息遣使詔重罷兵徵

舍爲河南尹

考異曰舍傳云河間王顥表舍爲河南尹今從皇甫重傳

舍就徵而

重不奉詔顯遣金城太守游楷隴西太守韓稚等合四

郡兵攻之

秦州刺史鎮冀城

顯密使舍與侍中馮蓀中書令卞

粹謀殺又皇甫商以告又收舍蓀粹殺之

蓀音孫

驃騎從

事琅邪諸葛玫前司徒長史武邑牽秀皆出奔鄴

驃匹妙翻

從事從事中郎也玫莫杯翻武邑縣前漢屬信都郡後漢晉屬安平國武帝分立武邑郡唐爲縣屬冀州

張昌黨石冰寇揚州敗刺史陳徽

敗補邁翻

諸郡盡沒又攻

破江州別將陳貞攻武陵零陵豫章武昌長沙皆陷之

臨淮人封雲起兵寇徐州以應冰

江州時治豫章漢置臨淮郡章帝以合下

邳國晉太康元年復置臨淮郡姓譜封姓夏封父之後將即亮翻

於是荆江徐揚豫五

州之境多爲昌所據昌更置牧守

更工衛翻守式又翻

皆桀盜小

人專以劫掠爲務劉弘遣陶侃等攻昌於竟陵

竟陵縣屬江夏

郡孫宗鑑曰自蔡州南至信陽軍始有山路迤邐至安陸又兩驛至復州皆平地南至大江並無丘陵之阻渡江至石首始有淺山謂之竟陵者陵至此而竟謂之石首石至此而首也古竟陵今復州劉喬遣其

將李楊等向江夏侃等屢與昌戰大破之前後斬首數

萬級昌逃于下雋山其衆悉降

長沙下雋縣之山也師古曰雋字充翻又辭究

翻

考異曰帝紀八月庚申劉弘及張昌戰于清水斬

之昌傳云昌敗竄于下雋山明年秋禽斬之按弘斬張

奕表云張昌姦黨初平

昌未梟首故從昌本傳

初陶侃少孤貧

少詩照翻

爲郡督郵

長沙太守萬嗣過廬江見而異之命其子結友而去後

察孝廉至洛陽豫章國郎中令楊暉薦之於顧榮

帝弟熾封

豫章王暉

丁角翻

侃由是知名既克張昌劉弘謂侃曰吾昔爲

羊公參軍

羊公謂羊祜也

謂吾後當居身處

晉人多自謂爲身

今觀卿

必繼老夫矣弘之退屯於梁也征南將軍范陽王曄遣

前長水校尉張奕領荊州

范陽王曄鎮豫州

弘至奕不受代舉

兵拒弘弘討奕斬之時荊部守宰多缺

守式又翻下同

弘請補

選詔許之弘敘功銓德

銓量也選也

隨才授任人皆服其公

當當丁浪翻弘表皮初補襄陽太守

姓譜皮姓樊仲皮之後

朝廷以初

雖有功而望淺更以弘壻前東平太守夏侯陟爲襄陽

太守弘下教曰夫治一國者宜以一國爲心必若親姻

然後可用則荊州十郡

按晉志荊州統二十二郡時已分襄陽武昌安成三郡屬江州

尚統十九郡又分新城魏興上庸三郡屬梁州尚統十六郡至懷帝分長沙衡陽湘東零陵邵陵桂陽六郡屬湘州此時荊州猶統十一郡此蓋言當時缺守者十郡也治直之翻

安得十女壻然後爲

政哉乃表陟姻親舊制不得相監

監古街翻

皮初之勲宜見

酬報詔聽之弘於是勸課農桑寬刑省賦公私給足百

姓愛悅

河間王顥聞李含等死即起兵討長沙王乂

大將軍穎上表請討張昌許之聞昌已平因欲與顥共

攻乂盧志諫曰公前有大功而委權辭寵時望美矣

事見

上卷永寧元年

今若頓軍關外

關外謂郊關之外

文服入朝此霸王之

事也

朝直達翻

參軍魏郡邵續曰人之有兄弟如左右手明

公欲當天下之敵而先去其一手可乎

去羌呂翻

穎皆不從

八月顯穎共表又論功不平與右僕射羊玄之左將軍

皇甫商專擅朝政殺害忠良

謂殺李含等朝直達翻

請誅玄之商

遣又還國詔曰顯敢舉大兵內向京輦吾當親率六軍

以誅姦逆其以又爲太尉都督中外諸軍事以禦之

考

異曰帝紀太安元年十二月又誅齊王冏即以又爲太尉都督中外晉春秋二年七月顯穎起兵乃以又爲太尉都督以討之按齊王死後穎懸執朝政又未應都督中外又顯見爲太尉又不應更爲太尉今從晉春秋

顯以張方爲都督將精兵七萬自函谷東趨洛陽

將即亮翻

趙七穎引兵屯朝歌以平原內史陸機爲前將軍前鋒

都督督北中郎將王粹冠軍將軍牽秀

沈約曰楚懷王以宋義爲卿子

冠軍冠軍之號自此始魏以文欽爲冠軍將軍冠古玩翻

中護軍石超等軍二十餘

萬南向洛陽機以羈旅事穎一旦頓居諸將之右王粹

等心皆不服白沙督孫惠

白沙在鄴城東南

與機親勸機讓都

督於粹機曰彼將謂吾首鼠兩端

首鼠兩端漢田蚡語服虔曰首鼠一前一

却也陸佃埤雅曰舊說鼠性疑出穴多不果故持兩端謂之首鼠

適所以速禍也遂行

穎列軍自朝歌至河橋鼓聲聞數百里

河橋即富平津河橋聞音問

乙丑帝如十三里橋

橋在洛城西去城十三里因以爲名

太尉又使皇甫

商將萬餘人拒張方於宜陽己巳帝還軍宣武場

水經注大

夏門東宣武觀憑城結構南望天淵池北曠宣武場場西故賈充宅

庚午舍于石樓九月

丁丑屯于河橋壬子張方襲皇甫商敗之

敗補邁翻下敗牽同

甲

申帝軍于芒山丁亥帝幸偃師

偃師縣漢屬河南郡晉省隋復置在洛城東北

辛卯舍于豆田

據晉書五行志洛陽城東有豆田壁

大將軍穎進屯河南

阻清水爲壘

此河南謂黃河之南非河南縣也清水蓋清濟之水

癸巳辛亥之憂

懼而卒帝旋軍城東丙申幸緱氏擊牽秀走之

緱工侯翻

大

赦張方入京城大掠死者萬計李流疾篤謂諸將曰

驍騎仁明固足以濟大事然前軍英武殆天所相可共

受事於前軍

李特以弟驤爲驍騎將軍少子雄爲前將軍相息亮翻驍堅亮翻

流卒衆

推李雄爲大都督大將軍益州牧治郾城

郾音皮

雄使武

都朴泰紿羅尚

朴姓也板楠七姓蠻之種也孫盛曰朴音浮

使襲郾城云已

爲內應尚使隗伯將兵攻郾泰約舉火爲應李驤伏兵

於道泰出長梯於外隗伯兵見火起爭緣梯上

隗五罪翻上時

掌驤縱兵擊大破之追奔夜至城下詐稱萬歲曰已得

郢城矣入少城尚乃覺之退保太城隗伯創甚雄生獲

之赦不殺

隗伯本亦流民之豪帥叛歸羅尚創初良翻

李驤攻犍爲斷尚運

道

犍居言翻斷丁管翻

獲太守龔恢殺之

石超進逼緱氏

緱土侯翻

冬十月壬寅帝還宮丁未敗牽秀於東陽門外

水經注曰東陽

門漢洛陽城之中東門也敗補邁翻

大將軍穎遣將軍馬咸助陸機戊申

太尉又奉帝與機戰于建春門

水經注建春門漢雒城之上東門也殺水逕其

前水上有石橋考異曰陸機傳云戰于鹿苑今從帝紀

又司馬王瑚使數千騎繫

戟於馬以突咸陳

騎奇寄翻
陳讀曰陣

咸軍亂執而斬之機軍大

敗赴七里澗死者如積水爲之不流

爲于
偽翻

斬其大將賈

崇等十六人石超遁去初宦人孟玖有寵於大將軍穎

玖欲用其父爲邯鄲令

邯鄲縣漢屬趙國魏晉屬廣平
郡隋唐屬磁州邯鄲音寒丹

左長史盧志等皆不敢違右司馬陸雲固執不許曰此

縣公府掾資

言歷此縣者其資級可
得公府掾掾以絹翻

豈有黃門父居之

邪玖深怨之玖弟超領萬人爲小督

機爲都督與黃門
之弟共事可以辭

去未戰縱兵大掠陸機錄其主者

錄收
也

超將鐵騎百餘

人直入機麾下奪之顧謂機曰貉奴能作督不

楊正衡曰貉音

鶴獸名善睡似狐余謂超蓋署機爲貉奴不讀曰否

機司馬吳郡孫拯勸機殺之

機不能用

使機能用孫拯之言斬孟超是穰苴之戮莊賈也由此爲穎所殺豈不光明俊偉哉

超

宣言於衆曰陸機將反又還書與玖言機持兩端故軍

不速決及戰超不受機節度輕兵獨進敗沒玖疑機殺

之譖之於穎曰機有二心於長沙牽秀素諂事玖將軍

王闡郝昌帳下督陽平公師藩

諸王公領兵及任方面者皆有帳下督統帳下

兵魏文帝黃初二年分魏郡置陽平郡公師複姓也

皆玖所引用相與共證之穎

大怒使秀將兵收機參軍事王彰諫曰今日之舉彊弱異勢庸人猶知必克况機之明達乎但機吳人殿下用之太過北土舊將皆疾之耳穎不從機聞秀至釋戎服

著白帟

著陟畧翻帟苦洽翻帽也弁缺四隅謂之帟晉志曰魏武以天下凶荒資財乏匱擬古皮弁裁

縑帟以爲帟以色辯其貴賤本施軍飾非爲國容徐爰曰俗說帟本未有岐荀文若巾之行觸樹枝成岐謂之爲善今通與秀相見爲牋辭穎既而歎曰華亭鶴唳可爲慶吊服

復聞乎

機發此言有咸陽市上歎黃犬之意華亭時屬吳郡嘉興縣界有華亭谷華亭水至唐始分嘉

興縣爲華亭縣今縣東七十里其地出鶴土人謂之曰鶴窠復扶又翻

秀遂殺之穎又收

機弟清河內史雲平東祭酒耽及孫拯皆下獄

按晉書陸雲傳

雲自清河內史轉大將軍右司馬此當書右司馬雲下戶嫁翻考異曰孫拯晉春秋作孫承今從晉書傳

記室江統陳留蔡克潁川棗嵩等上疏以爲陸機淺謀致敗殺之可也至於反逆則衆共知其不然宜究檢校機反狀若有徵驗誅雲等未晚也統等懇請不已潁遲迴者三日蔡克入至潁前叩頭流血曰雲爲孟玖所怨遠近莫不聞今果見殺竊爲明公惜之

竊爲于偽翻下爲陳同

僚

屬隨克入者數十人流涕固請潁惻然有宥雲色孟玖

扶穎入催令殺雲眈夷機三族獄吏考掠孫拯數百兩

踝骨見

掠音亮踝戶瓦翻腿兩旁曰內外踝見賢遍翻

終言機冤吏知拯義烈

謂拯曰二陸之枉誰不知之君可不愛身乎拯仰天歎

曰陸君兄弟世之奇士吾蒙知愛今既不能救其死忍

復從而誣之乎

復扶又翻

玖等知拯不可屈乃令獄吏詐爲

拯辭穎既殺機意常悔之及見拯辭大喜謂玖等曰非

卿之忠不能窮此姦遂夷拯三族拯門人費慈宰意二

人詣獄明拯冤

費扶沸翻宰以官爲氏春秋周有宰咺孔子弟子有宰子

拯譬遣之

譬喻也

曰吾義不負二陸死自吾分

分扶問翻

卿何爲爾邪曰

君既不負二陸僕又安可負君固言拯冤玖又殺之太

尉又奉帝攻張方方兵望見乘輿皆退走

乘繩證翻

方遂大

敗死者五千餘人方退屯十三里橋

考異曰河間王顯傳云駛水橋今

從帝紀

衆懼欲夜遁方曰勝負兵家之常善用兵者能因

敗爲成今我更前作壘出其不意此奇策也乃夜潛逼

洛城七里築壘數重

重直龍翻

外引廩穀以足軍食又既戰

勝以爲方不足憂聞方壘成十一月引兵攻之不利朝

議以爲父穎兄弟可辭說而釋

朝直廷翻

乃使中書令王衍

等往說穎令與父分陝而居

周公召公分陝爲二伯陝在弘農此言分陝引周召

事欲令穎父爲二伯耳非分陝地而居也往說輸芮翻陝式冉翻

穎不從父因致書於

穎爲陳利害欲與之和解穎復書請斬皇甫商等首則

引兵還鄴父不可穎進兵逼京師張方決千金塢

水經注河

南縣城東十五里有千金塢洛陽記曰千金塢舊堰穀水魏時更修此堰謂之千金塢塢阿葛翻

水碓

皆涸

碓都內翻

乃發王公奴婢手舂給兵一品已下不從征

者男子十三以上皆從役又發奴助兵公私窮蹶

蹶與蹶同

子六

米石萬錢詔命所行一城而已

京師危蹙如此又雖戰勝安得久邪

驃騎主簿范陽祖逖

又爲驃騎將軍以逖爲主簿驃匹妙翻

言於父曰劉

沈忠義果毅雍州兵力足制河間

雍於用翻

宜啟上爲詔與

沈使發兵襲顯顯窘急必召張方以自救此良策也

渠窘

翻

又從之沈奉詔馳檄四境諸郡多起兵應之沈合七

郡之衆凡萬餘人趣長安

雍州統七郡治安定或曰時治新平沈持林翻趣七喻翻

又又使皇甫商間行齎帝手詔命游楷等罷兵勅皇甫

重進軍討顯商間行至新平遇其從甥從甥素憎商以

告顯

間古莧翻從才用翻顯魚容翻

顯捕商殺之

十二月議郎周玘

前南平內史長沙王矩

吳置南郡於江南晉平吳改曰南平以別江北之南郡玘口紀

翻

起兵江東以討石冰推前吳興太守吳郡顧祕都督

揚州九郡諸軍事

揚州統郡十八帝割豫章都陽廬陵臨川建安南康晉安屬江州揚州統

十一郡今止推祕督丹陽宣城毗陵吳興會稽東陽新安臨海九郡淮南廬江在江北不與也

傳檄

州郡殺冰所署將吏

將即亮翻

於是前侍御史賀循起兵於

會稽

會工外翻

廬江內史廣陵華譚及丹陽葛洪甘卓皆起

兵以應祕

華戶化翻

玘處之子循邵之子卓寧之曾孫也

周處

見八十二卷元康六年七年賀邵事吳主皓爲皓所冰殺甘寧事吳主權爲相以勇聞三家皆吳之彊宗也

遣其將羌毒

姓諸羌姓也

帥兵數萬拒玘玘擊斬之冰自臨

淮趨壽春

帥讀曰率超七喻翻

征東將軍劉準聞冰至惶懼不知

所爲廣陵度支廬江陳敏統衆在壽春

陳敏自尚書今史出爲合肥度

支漕運南方米穀以濟中州連廣陵度支度徒洛翻

謂準曰此等本不樂遠戍逼

迫成賊烏合之衆其勢易離敏請督運兵爲公破之

樂音

洛易以豉翻爲于偽翻下爲獻同

準乃益敏兵使擊之

閏月李雄急

攻羅尚尚軍無食留牙門張羅守城

考異曰載記作羅持今從華陽國

志

夜由牛鞞水東走

水經曰牛鞞水在犍爲牛鞞縣劉昫曰洛水一名牛鞞水杜佑曰

州陽安縣漢牛鞞縣地孟康曰鞞音鞞師古曰音必爾翻

羅開門降

降戶翻

雄入成都

軍士饑甚乃帥衆就穀於鄆

帥讀曰率鄆縣漢屬廣漢郡晉省立五代史志鄆縣

舊曰伍城隋大業改曰鄆縣唐爲梓州治所宋白曰漢

舊鄆縣城在今縣南九十里臨江鄆王城基址見在以

鄆江爲縣名鄆音妻又于私翻掘野芋而食之

芋羊遇翻所謂啍也許雄

坐討賊不進徵即罪

許雄刺梁州見上卷太安元年即就也

安北將軍

都督幽州諸軍事王浚以天下方亂欲結援夷狄乃以

一女妻鮮卑段務勿塵一女妻素怒延

妻七細翻宇文國有別帥曰素

延怒又表以遼西郡封務勿塵爲遼西公

爲王浚用段氏以攻成都王穎

及石勒

張本浚沈之子也

王沈比晉以弑魏高貴鄉公

毛銑之死也

見事

上卷太安元年

李叡奔五苓夷帥于陵丞于陵丞詣李毅爲叡

請命

五苓夷寧州附塞部落之名帥所類翻爲于偽翻

毅許之叡至毅殺之于

陵丞怒帥諸夷反攻毅

尚書令樂廣女爲成都王妃

或譖諸太尉又又以問廣廣神色不動徐曰廣豈以五

男易一女哉

謂附類則五男被誅

又猶疑之

永興元年

長沙王乂之死改元永安西遷長安方改元永興

春正月丙午樂廣

以憂卒 長沙厲王又屢與大將軍頴戰破之

長沙王又不得

其死頴顯之黨加以惡謚耳

前後斬獲六七萬人而又未嘗虧奉上

之禮城中糧食日窘而士卒無離心

窘渠隕翻

張方以爲洛

陽未可克欲還長安而東海王越慮事不濟癸亥潛與

殿中諸將夜收又送別省

考異曰越傳云殿中諸將及三部司馬疲於戰守密與

左衛將軍朱默夜收又別省逼越爲主今從又傳

甲子越啟帝下詔免又官置

金墉城大赦改元

改元永安十二月甲子

考異曰帝紀太安二年大赦永興元年正月大

赦改元疑是一事

城既開殿中將士見外兵不盛悔之更謀劫

出又以拒穎越懼欲殺又以絕衆心黃門侍郎潘滔曰

不可將自有靜之者乃遣人密告張方丙寅方取又於

金墉城至營炙而殺之方軍士亦爲之流涕

爲于偽翻考異曰

帝紀三十國晉春秋云太安二年十二月殺又以傳曰
初又執權之始洛下謠曰草木萌芽殺長沙又以正月
二十五日廢二十七日止如謠言焉樂廣傳云成都王
穎廣之壻也及與長沙王又遠難而廣既處朝望羣小
譏謗之廣以憂卒惠帝紀永興元年正月丙午樂廣卒
若廣卒時又未死即又傳正月二十五日廢爲是合移
在永興元年正月而晉春秋太安二年八月樂廣自裁
按帝紀今年正月以穎爲丞相遣兵屯城門代宿衛者
疑此皆又初死時事又今年正公卿皆詣鄴謝罪大將
月末亦有甲子丙寅今從又傳

軍穎入京師復還鎮于鄴詔以穎爲丞相加東海王越

守尚書令穎遣奮武將軍石超等率兵五萬屯十二城

門洛陽城東有建春東陽清明三門南有開陽津陽平昌宣陽四門西有廣陽西明閭闔三門北有大夏廣

莫二門凡十二殿中宿所忌者穎皆殺之悉代去宿衛

兵去羌呂翻表盧志爲中書監留鄴參署丞相府事河間

王顥頓軍於鄭鄭縣屬京兆郡周宣王弟鄭桓公封邑唐屬華州爲東軍聲援

聞劉沈兵起還鎮渭城渭城縣故秦咸陽也前漢屬扶風後漢省而地名猶在石勒置

石安縣唐復爲咸陽縣屬京兆遣督護虞夔逆戰於好時好時縣前漢屬扶風後漢

晉省唐武德二年復分醴泉置好時縣屬京兆 夔兵敗顓懼退入長安急召張

方方掠洛中官私奴婢萬餘人而西軍中乏食殺人雜

牛馬肉食之劉沈渡渭而軍與顓戰顓屢敗沈使安定

太守衙博功曹皇甫澹以精甲五千襲長安入其門力

戰至顓帳下沈兵來遲馮翊太守張輔見其無繼引兵

橫擊之殺博及澹

澹徒覽翻又徒濫翻

兵遂敗收餘卒而退張方

遣其將敦偉夜擊之

敦徒渾翻姓也

沈軍驚潰沈與麾下南走

追獲之沈謂顓曰知己之惠輕

顓留沈爲軍師遂爲雍州刺史

君臣之

義重沈不可以違天子之詔量彊弱以苟全

量音良

投袂

之日期之必死

左傳宋殺楚使楚子聞之投袂而起

蒞醢之戮其甘如薺

詩云誰謂荼苦其甘如薺薺在禮翻

顯怒鞭之而後腰斬新平太守江夏

張光數爲沈畫計

夏戶雅翻數所角翻爲于偽翻

顯執而詰之光曰劉

雍州不用鄙計故令大王得有今日顯壯之引與歡宴

表爲右衛司馬

羅尚逃至江陽

華陽國志曰瀘州瀘川縣本漢江陽縣又

江安縣亦漢江陽縣也

遣使表狀詔尚權統巴東巴郡涪陵以供

軍賦

三郡本屬梁州尚權統之涪音浮

尚遣別駕李興詣鎮南將軍劉

弘求糧弘綱紀以運道阻遠

綱紀謂弘參佐操持一府之綱紀者

且荊州

自空乏欲以零陵米五千斛與尚弘曰天下一家彼此

無異吾今給之則無西顧之憂矣

謂尚在巴涪則爲荊州屏蔽無西顧之憂

遂以三萬斛給之尚賴以自存李興願留爲弘參軍弘

奪其手版而遣之

手版即古笏也參佐施敬府公故持手版今奪興手版遣之不許其去尚

而事已也

又遣治中何松領兵屯巴東爲尚後繼于時流民

在荊州者十餘萬戶羈旅貧乏多爲盜賊弘大給其田

及種糧

種章勇翻

擢其賢才隨資叙用流民遂安

三月乙

西丞相穎表廢皇后羊氏幽于金墉城廢皇太子覃爲

清河王

羊后立見八十三卷永康元年覃立見上卷太安元年

陳敏與石冰戰

數十合冰衆十倍於敏敏擊之所向皆捷遂與周玘合

攻冰於建康三月冰北走投封雲

封雲徐州賊應冰者

雲司馬張

統斬冰及雲以降楊徐二州平周玘賀循皆散衆還家

不言功賞朝廷以陳敏爲廣陵相河間王顥表請立

丞相穎爲太弟戊申詔以穎爲皇太弟都督中外諸軍

事丞相如故大赦乘輿服御皆遷于鄴

天子在洛而建儲于鄴則既非

矣乘輿服御亦遷而制度一如魏武帝故事以顯爲太就之何居乘繩正翻

宰大都督雍州牧

雍於用翻

前太傅劉寔爲太尉寔以老固

讓不拜

太弟穎僭侈日甚嬖倖用事大失衆望

時人望穎

以匡輔帝室今乃若此故大失衆望嬖卑義翻又博計翻

司空東海王越與右衛將

軍陳旌

楊正衡曰旌止恐翻又音真

及長沙故將上官巳等謀討之

秋七月丙申朔陳旌勒兵入雲龍門以詔召三公百僚

及殿中

殿中者三部諸將也

戒嚴討穎石超犇鄴戊戌大赦復皇

后羊氏及太子覃巳亥越奉帝北征以越爲大都督徵

前侍中稽紹詣行在

長沙王又當國以紹爲侍中又死紹黜免爲庶人今討穎故復徵詣

行在侍中秦準謂紹曰今往安危難測卿有佳馬乎紹正

色曰臣子扈衛乘輿死生以之佳馬何爲越檄召四方

兵赴者雲集比至安陽

晉志安陽縣屬魏郡魏土地記曰鄴城南四十里有安陽城乘

繩證翻比必寐翻

衆十餘萬鄴中震恐穎會羣僚問計東安王

繇曰天子親征宜釋甲縞素出迎請罪穎不從遣石超

帥衆五萬拒戰

帥讀曰率

折衝將軍喬智明勸穎奉迎乘輿

穎怒曰卿名曉事投身事孤今主上爲羣小所逼卿奈

何欲使孤束手就刑邪陳盱二弟匡規自鄴赴行在云

鄴中皆已離散由是不甚設備己未石超軍奄至乘輿

敗績於蕩陰

蕩陰縣漢屬河內郡晉屬魏郡唐爲相州蕩陰縣按水經注蕩陰縣因湯水爲名宋

白曰古蕩陰縣在湯水南漢初廢安陽縣入蕩陰隋又廢蕩陰入安陽則安陽蕩陰二縣接境也師古曰蕩音

湯

帝傷頰中三矢

中竹仲翻

百官侍御皆散嵇紹朝服下馬

登輦以身衛帝兵人引紹於轅中所之

轅轉也方言曰楚衛謂之轅朝

直達翻

帝曰忠臣也勿殺對曰奉太弟令惟不犯陛下

人耳遂殺紹血濺帝衣

濺子賤翻

帝憶於草中亡六璽石超

奉帝幸其營帝餒甚超進水左右奉秋桃

桃以夏熟者進御秋桃非

所以奉至尊而奉之恤所無也

穎遣盧志迎帝庚申入鄴大赦改元曰

建武左右欲浣帝衣

浣戶管翻濯也

帝曰嵇侍中血勿浣也

孰謂

帝爲慧愚哉

陳眊上官已等奉太子覃守洛陽司空越奔下

邳徐州都督東平王楙不納越徑還東海太弟穎以越

兄弟宗室之望

越騰畧模皆有聲稱於諸宗室中

下令招之越不應命

前奮威將軍孫惠上書勸越要結藩方

要一遙翻

同樊王室

越以惠爲記室參軍與參謀議北軍中候苟晞奔范陽

王虢虢承制以晞行兗州刺史

范陽王虢時鎮許昌虢許交翻

初三

王之起兵討趙王倫也

事見上卷永寧元年

王浚擁衆挾兩端禁

所部士民不得赴三王召募太弟穎欲討之而未能

使穎

兄弟不自內相圖聲浚之罪而討之固有餘力矣何未能邪

浚心亦欲圖穎穎以右

司馬和演爲幽州刺史

和演與穎謀起兵討趙王倫穎之腹心也

密使殺浚

演與烏桓單于審登謀與浚游薊城南清泉因而圖之

單音蟬

會天暴雨兵器霑濕不果而還

還從宣翻又如字下同

審登

以爲浚得天助乃以演謀告浚浚與審登密嚴兵約并

州刺史東嬴公騰共圍演殺之自領幽州營兵

幽州刺史營兵

也騰越之弟也太弟穎稱詔徵浚浚與鮮卑段務勿塵

烏桓羯朱及東嬴公騰同起兵討穎

羯居謁翻

穎遣北中郎

將王斌及石超擊之

斌音彬

太弟穎怨東安王繇前議

怨其使已縞素迎天子請罪也

八月戊辰收繇殺之初繇兄琅邪恭王

觀薨子睿嗣睿沈敏有度量

沈持林翻

爲左將軍與東海參

軍王導善

導參東海王越軍事

導敦之從父弟也

從才用翻下從者之從同

識

量清遠以朝廷多故每勸睿之國及繇死睿從帝在鄴

恐及禍將逃歸穎先勅關津無得出貴人

關立於經塗要會處以譏

出入津者濟渡江河所必由之處

睿至河陽爲津吏所止從者宋典自

後來以鞭拂睿而笑曰舍長

舍長守舍之長也長丁丈翻今知兩翻

官禁

貴人汝亦被拘邪

被皮義翻

吏乃聽過至洛陽迎太妃夏侯

氏俱歸國

元帝中興事始此夏戶雅翻

丞相從事中郎王澄發孟

玖姦利事勸太弟穎誅之穎從之上官已在洛陽殘

暴縱橫

橫戶孟翻

守河南尹周馥浚之從父弟也

周浚從王渾伐吳有

戰功與司隸滿奮等謀誅之事洩奮等死馥走得免司空

越之討太弟穎也太宰顓遣右將軍馮翊太守張方將兵二萬救之聞帝已入鄴因命方鎮洛陽已與別將苗願拒之大敗而還太子覃夜襲已願已願出走方入洛陽覃於廣陽門迎方而拜

洛城西面南頭第一門曰廣陽門

方下車扶

止之復廢覃及羊后

初太弟穎表匈奴左賢王劉淵

爲冠軍將軍監五部軍事

楊駿輔政以劉淵爲五部大都督元康末坐部人叛出塞

免官穎鎮鄴表監五部軍事冠古玩翻監工衙翻

使將兵在鄴淵子聰驍勇絕

人博涉經史善屬文

驍堅堯翻屬之欲翻

彎弓三百斤弱冠游京

師記曲禮曰人生十年曰幼學二十曰弱冠冠古玩翻

名士莫不與交穎以聰爲

積弩將軍淵從祖右賢王宣謂其族人曰自漢亡以來

我單于徒有虛號無復尺土

事見六十七卷漢獻帝建安二十一年從才用翻單

音蟬自餘王侯降同編戶

編相聯次也民謂之編民亦謂之編戶者言比屋聯次而居編

於民籍無高下之差

今吾衆雖衰猶不減二萬奈何斂首就役奄

過百年

奄忽也遽也

左賢王英武超世天苟不欲興匈奴必

不虛生此人也今司馬氏骨肉相殘四海鼎沸復呼韓

邪之業此其時矣

漢宣帝時稽侯獮來朝稱呼韓邪單于光武時日逐王比內附亦稱呼韓

邪單于乃相與謀推淵爲大單于使其黨呼延攸詣鄴告

之

師古曰漢書匈奴中貴種有呼衍氏即今之呼延氏

淵白穎請歸會葬穎弗許

淵令攸先歸告宣等使招集五部及雜番聲言助穎實欲叛之及王浚東嬴公騰起兵淵說穎曰今二鎮跋扈

衆十餘萬

二鎮謂幽并說輸芮翻下同

恐非宿衛及近郡士衆所能

禦也請爲殿下還說五部以赴國難

爲于偽翻說輸芮翻難乃旦翻

穎

曰五部之衆果可發否就能發之鮮卑烏桓未易當也

易

翻

吾欲奉乘輿還洛陽以避其鋒

乘繩證翻

徐傳檄天下

以逆順制之

言見力不足以制二鎮欲
檄徵天下兵杖順制逆

君意何如淵曰

殿下武帝之子有大勲於王室威恩遠著四海之內

孰不願爲殿下盡死力者

爲于偽翻
下請爲同

何難發之有王浚

豎子東嬴疎屬

東嬴公騰宣帝弟東武
侯旭之孫故云疎屬

豈能與殿下爭

衡邪殿下發鄴宮示弱於人洛陽不可得而至雖至

洛陽威權不復在殿下也

穎奔敗而失權
卒如淵之言

願殿下撫勉

士衆靖以鎮之淵請爲殿下以二部推東嬴三部梟王

浚

梟豎
竟翻

二豎之首可指日而懸也穎悅拜淵爲北單于

參丞相軍事淵至左國城

左國城蓋匈奴左部所居城也據晉書載記光武建武之

初南單于入居西河之美稷今離石左國城單于所徙度也水經注曰左國城在汾州之右介休縣西南杜佑

曰左國城在石州離石縣宋白曰離石縣東北有離石水因以爲名劉宣等上大單于之

號

上時掌翻

二旬之間有衆五萬都於離石

離石縣自漢以來屬西河郡

以聰爲鹿蠡王

師古曰蠡音盧奚翻鹿蠡王即仍漢時谷蠡王號也谷鹿字雖不同而音則同

耳

遣左於陸王宏帥精騎五千

帥讀曰率騎奇寄翻下同

會穎將王

粹拒東羸公騰粹已爲騰所敗

敗補邁翻下敗石同

宏無及而歸

王浚東羸公騰合兵擊王斌大破之浚以主簿祁弘爲

前鋒

姓譜祁姓黃帝二十五子之一也又晉獻侯四世孫奚食邑於祁曰祁奚

敗石超于平

棘

平棘縣漢屬常山郡晉屬趙國劉昫曰漢平棘縣在今趙州平棘縣南

乘勝進軍候騎

至鄴鄴中大震百僚奔走士卒分散盧志勸穎奉帝還

洛陽時甲士尚有萬五千人志夜部分

分扶問翻

至曉將發

而程太妃戀鄴不欲去穎狐疑未決俄而衆潰穎遂將

帳下數十騎與志奉帝御犢車

晉制阜輪犢車諸公乘之

南奔洛陽

倉猝上下無齋中黃門被囊中齋私錢三千詔貸之

貸暢

德翻又敵德翻又他代翻假借也

於道中買飯夜則御中黃門布被食

以瓦盆至溫將謁陵

帝之先河內溫縣孝敬里人自京兆尹防以上皆葬于溫

帝喪

履納從者之履

喪息浪翻從才用翻

下拜流涕及濟河張方自洛

陽遣其子羆帥騎三千以所乘車奉迎帝至芒山下方

自帥萬餘騎迎帝

帥讀曰率

方將拜謁帝下車自止之

甚於夷王

下堂而見諸侯矣

帝還宮犇散者稍還百官粗備

粗坐五翻

辛巳大

赦王浚入鄴士衆暴掠死者甚衆使烏桓謁朱追太弟

穎至朝歌不及浚還薊以鮮卑多掠人婦女命敢有挾

藏者斬於是沈於易水者八千人

王浚進不成勤王而縱鮮卑烏桓猾夏亂

華其死於石勒之
手晚矣洸持林翻

東嬴公騰乞師於拓跋猗色以擊

劉淵猗色與弟猗盧合兵擊淵於西河破之與騰盟于

汾東而還

自此拓跋氏屢以兵助并州
色徒河翻還從宣翻又如字

劉淵聞太弟穎

去鄴歎曰不用吾言逆自犇潰真奴才也然吾與之有

言矣不可以不救將發兵擊鮮卑烏桓劉宣等諫曰晉

人奴隸御我今其骨肉相殘是天棄彼而使我復呼韓

邪之業也鮮卑烏桓我之氣類

鮮卑烏桓東番之種與
匈奴同稟北方剛強之

氣又同
類也

可以爲援奈何擊之淵曰善大丈夫當爲漢高

魏武呼韓邪何足効哉宣等稽首曰非所及也

稽音啟

荊州兵擒斬張昌同黨皆夷三族

去年昌逃于下雋山至是方禽滅

李雄以范長生有名德爲蜀人所重欲迎以爲君而臣之長生不可諸將固請雄即尊位冬十月雄即成都王位大赦改元建興除晉灋約灋七章以其叔父驤爲太傅兄始爲太保李離爲太尉李雲爲司徒李璜爲司空李國爲太宰閭式爲尚書令楊褒爲僕射尊母羅氏爲王太后追尊父特爲成都景王雄以李國李離有智謀

凡事必咨而後行然國離事雄彌謹

史言諸李守君臣之分以相保固所

謂盜亦有道也

劉淵遷都左國城

考異曰下云離石大饑遷于黎亭則是淵猶在離

石也按杜佑通典離石有南單于庭左國城然則淵雖遷左國猶在離石縣境內也

胡晉歸之者

愈衆淵謂羣臣曰昔漢有天下久長恩結於民吾漢氏

之甥約爲兄弟兄亡弟紹不亦可乎乃建國號曰漢劉

宣等請上尊號

上時黨翻

淵曰今四方未定且可依高祖稱

漢王於是即漢王位

劉淵字元海

考異曰帝紀李雄劉淵稱王皆在十一月惠帝入長

安後華陽國志李雄十月稱王一本作十二月三十國晉春秋十六國鈔皆在十月今從之

大赦改

元曰元熙追尊安樂公禪爲孝懷皇帝

樂音洛

作漢三祖

五宗神主而祭之

淵以漢高祖世祖昭烈爲三祖太宗世宗中宗顯宗肅宗爲五宗

立

其妻呼延氏爲王后以右賢王宣爲丞相崔游爲御史

大夫左於陸王宏爲太尉范隆爲大鴻臚

臚陵如翻

朱紀爲

太常上黨崔懿之後部人陳元達皆爲黃門郎

劉淵皆用漢官

制後部即匈奴北部也居新興

族子曜爲建武將軍游固辭不就

崔游淵之

師也范隆朱紀同門生崔游既能以師道不爲淵屈且又得不變於夷之義沈約志魏置建武將軍

元達

少有志操

少詩照翻

淵嘗招之元達不答及淵爲漢王或謂

元達曰君其懼乎元達笑曰吾知其人久矣彼亦亮吾

之心但恐不過三二日驛書必至其暮淵果徵元達元

達事淵屢進忠言退而削草草奏也雖子弟莫得知也曜

生而眉白目有赤光幼聰慧有膽量早孤養於淵及長

儀觀魁偉性拓落高亮拓恢拓也落磊落也長知兩翻觀古玩翻與衆不羣

好讀書善屬文好呼報翻屬之欲翻鐵厚一寸射而洞之厚胡茂翻射而

亦翻洞貫也常自比樂毅及蕭曹時人莫之許也惟劉聰重

之曰永明漢世祖魏武之流數公何足道哉劉曜字永明數公謂

樂毅
蕭曹

帝既還洛陽張方擁兵專制朝政朝直還太弟

穎不得復豫事

復扶又翻

豫州都督范陽王虓徐州都督東

平王琳等上言穎弗克負荷宜降封一邑特全其命下荷

可翻又如字

考異曰虓傳云與鎮東將軍劉馥同上

言按馥傳帝自長安還馥出爲平東將軍都督揚州代

劉準爲鎮東据此表張方猶存蓋自鄴還洛陽時也

太宰宜委以關右之任

河間王顓

時爲太宰故稱之

自州郡以下選舉授任一皆仰成朝之大事

廢興損益每輒疇咨

言開右州郡聽顓選舉朝政亦咨而後行仰牛向翻孔安國曰疇誰

也顏師古曰疇誰也咨謀也言謀於衆人誰可爲事也余按此所謂疇咨恐非孔顓注義蓋疇類也咨問也言

朝之大事類以問顯朝直道翻

張方爲國效節而不達變通未即西還

宜遣還郡

方本爲馮翊太守爲于僞翻

所加方官請悉如舊司徒戎

司空越並忠國小心宜幹機事委以朝政

幹讀曰管又如字

王

浚有定社稷之勲

謂舉兵討顯也

宜特崇重遂撫幽朔長爲北

藩臣等竭力扞城藩屏皇家

屏心鄧翻

則陛下垂拱四海自

正矣張方在洛既久兵士剽掠殆竭衆情喧喧無復留

意

剽匹妙翻衆情謂方之軍情也

議欲奉帝遷都長安恐帝及公卿不

從欲須帝出而劫之

須待也

乃請帝謁廟帝不許十一月

乙未方引兵入殿以所乘車迎帝帝馳避後園竹中軍

人引帝出逼使上車

上時掌翻

帝垂泣從之方於馬上稽首

曰今寇賊縱橫宿衛單少

稽音啓縱子容翻少詩沼翻

願陛下幸臣

壘臣盡死力以備不虞時羣臣皆逃匿唯中書監盧志

侍側曰陛下今日之事當一從右將軍

張方時爲右將軍

帝遂

幸方壘令方具車載宮人寶物軍人因妻畧後宮分爭

府藏

藏徂浪翻割流蘇武帳爲馬帳

毛晃曰流蘇盤線繪繡之毯五采錯爲之同心

而下垂者是也蘇猶鬚也又散貌以其崇下垂故曰蘇
今人謂條頭崇爲蘇孟康曰今御武帳置兵關五兵於

帳中帳將先翻馬籍也

魏晉以來蓄積掃地無遺方將焚宗廟宮

室以絕人返顧之心盧志曰董卓無道焚燒洛陽

事見五十

九卷漢獻帝初平元年

怨毒之聲百年猶存何爲襲之乃止帝停

方壘三日方擁帝及太弟穎豫章王熾等趨長安

趨七喻翻

王戎出奔邲

邲縣前漢屬潁川郡後漢省晉屬襄城郡隋唐爲汝州邲城縣邲音夾

太宰

顯帥官屬步騎三萬迎于霸上

帥讀曰率

顯前拜謁帝下車

止之帝入長安以征西府爲宮

征西府征西將軍府顯所居也

唯尚書

僕射荀藩司隸劉暉河南尹周馥在洛陽爲留臺承制

行事號東西臺

洛陽爲東臺長安爲西臺暇他昆翻

藩勗之子也

荀勗朋比賈充

貴顯於晉初

丙午留臺大赦改元復爲永安辛丑復皇后羊

氏羅尚移屯巴郡遣兵掠蜀中獲李驤妻晉氏及子

壽

晉子感翻姓也

十二月丁亥詔太弟穎以成都王還第更

立豫章王熾爲皇太弟

更工衡翻

帝兄弟二十五人時存者

惟穎熾及吳王晏晏材資庸下熾冲素好學

好呼報翻

故太

宰顯立之詔以司空越爲太傅與顯夾輔帝室王戎參

錄朝政

朝直遙翻

又以光祿大夫王衍爲尚書左僕射高密

王略爲鎮南將軍領司隸校尉權鎮洛陽

考異曰惠紀作高密王

簡按宗室傳高密孝王畧字元簡時都督青州後遷都督荊州未嘗鎮洛陽蓋簡即畧也時雖有朝命而畧不至或嘗鎮洛陽而本傳遺脫耳以余觀之時朝廷命令不行於方鎮畧蓋未嘗赴洛也東中郎將

模爲寧北將軍都督冀州諸軍事鎮鄴

晉書帝紀作東中郎將模傳作

北中郎將又按晉制方面之任有四征四鎮四安四平無四寧也寧恐當作安

百官各還本職

令州郡蠲除苛政愛民務本清通之後當還東京

謂阻兵者

解兵道路清通之後也帝時在長安故謂洛陽爲東京

大赦改元

改元永興

略模皆越

之弟也王浚既去鄴越使模鎮之顓以四方乖離禍難

不已故下此詔和解之冀獲少安

顯欲和解兄弟當在久穎構隙之時及事

不可爲而顯亦不免矣難乃旦翻

越辭太傅不受又詔以太宰顯都督

中外諸軍事張方爲中領軍錄尚書事領京兆太守

時帝

在長安京兆太守實掌輦轂下張方握兵顯所親倚故使領京兆

東嬴公騰遣將軍

聶玄擊漢王淵戰於大陵

大陵縣自漢以來屬太原郡魏收地形志太原郡統內受

陽縣有大陵城其地蓋在唐遼并二州界杜佑曰文水縣漢大陵縣聶尼叛

玄兵大敗淵遣

劉曜寇太原取注氏屯留長子中都

注氏屯留長子屬上黨郡中都屬太

原郡賢曰注氏今澤州高平縣劉昫曰澤州陵川縣漢注氏縣高平漢注氏縣地屯留長子唐皆屬潞州師古

曰泣音工玄翻叱音純長讀如長短之長陸德明讀如長幼之長

又遣冠軍將軍喬晞

寇西河取介休介休令賈渾不降晞殺之

介休縣屬太原郡晉屬

西河郡唐屬汾州冠古玩翻降戶江翻


將納其妻宗氏宗氏罵晞而哭晞

之淵聞之大怒曰使天道有知喬晞望有種乎

章種

還降秩四等收渾屍葬之

資治通鑑卷八十五



總校官庶吉士臣侍朝

校對官檢討臣王坦修

膳錄監生臣梅德